

প্রিয় কানসাটবাসীর উদ্দেশে

কবীর চৌধুরী

কিছুকাল ধরে চাঁপাইনবাবগঞ্জের কানসাটে পলী বিদ্যুৎকে ঘিরে যে বর্বর ও অমানবিক কাণ্ড ঘটে চলেছে তাতে আমি প্রচণ্ড ক্ষুব্ধ ও বিচলিতবোধ করছি। গণমানুষ তাদের একটা দাবি আদায়ের জন্য সভা-সমিতির আয়োজন করবে, শোভাযাত্রা করবে, মানববন্ধন তৈরি করবে, হরতাল করবে আর খালেদা জিয়া-নিজামীদের জোট সরকারের পুলিশ তাদের ওপর মধ্যযুগীয় বর্বর মানসিকতা নিয়ে হিংস্র জানোয়ারের মতো ঝাঁপিয়ে পড়বে, তাদের আন্দোলন গুঁড়িয়ে দেওয়ার উদ্দেশ্যে নারী শিশু বৃদ্ধ নির্বিশেষে সবাইকে লাঠিপেটা করবে, তাদের ওপর নির্বিচারে গুলি চালাবে— এ কোন দেশে কোন যুগে বাস করছি আমরা?

ইতিমধ্যে কানসাটে পুলিশের গুলিতে বেশ কয়েকজন নিহত হয়েছেন, শতাধিক আন্দোলনকারী গুরুতর আহত হয়েছেন কিনা কানসাটের বীর জনগণ পিছু হটেননি। শারীরিক অক্ষমতার কারণে আমি ঘটনাস্থলে আপনাদের সঙ্গে আমার একাত্মতা ঘোষণা করতে পারছি না, কিনা আমার এই কয়েকছত্র লেখার মাধ্যমে আমি বলতে চাই : আমি আপনাদের সঙ্গে আছি এবং আমি দৃঢ় প্রত্যয়ী যে, আপনাদের সংগ্রাম জয়যুক্ত হবে। আপনাদের সমস্যার সমাধানে কোনো অর্থপূর্ণ উদ্যোগ না গ্রহণ করে, নির্যাতনকারীদের পক্ষ নিয়ে, নির্যাতনে সহায়তা ও নেতৃত্বদান করার জন্য আপনারা যে রাজনৈতিক নেতৃবৃন্দের বিচার দাবি করেছেন আমি তার সঙ্গেও ঐকমত্য ঘোষণা করছি।

বিদ্যুতের জন্য আপনাদের এই সংগ্রাম সুসং-দুর্গাপুর ও নাড়োলের কৃষকদের ধানের জন্য বীরত্বপূর্ণ সংগ্রামের মতো গৌরবজনক ইতিহাস হয়ে বিরাজ করবে। নিকট-ভবিষ্যতে সেই গৌরবদীপ্ত ইতিহাস প্রত্যক্ষ করার জন্য আমি আমার অশীতিপর বয়সে ব্যাকুলভাবে প্রতীক্ষা করছি। জয় হোক বীর কানসাটবাসীর।

১৪ এপ্রিল, ২০০৬

কবীর চৌধুরী : জাতীয় অধ্যাপক, লেখক।